



Universitätsbibliothek Paderborn

**Vita Venerabilis Yolanda Priorissae Ad Mariae Vallem in
Ducatu Lucilburgensi**

Wiltheim, Alexandre

Antuerpiae, 1674

Cap. XIX. Margarita consensum mariti obtinet, de Yolandâ dimittendâ ad
Mariae Vallem, incredibiliter laetante Yolandâ, ad cuius sacras nuptias
convocantur amici & parentes. Henricus filiam miserabili ...

urn:nbn:de:hbz:466:1-11873

CAPUT XIX.

Margarita consensum mariti obtinet, de Yolandâ dimittendâ ad MARIAE Vallem, incredibiliter latante Yolandâ; ad cuius sacras nuptias convocantur amici & parentes. Henricus filiam miserabili oratione ultimum adoritur, sed frustrâ.

Margarita, fortis & celsi animi mulier & magnifica, adhæc inculpata atque integra, eò iam omnem curam converterat, quo pacto datam Yolandæ fidem præstaret. Ante omnia sollicitabat eam adversa mariti voluntas. Is, quam pacis atque quietis amans, tam turbarum ac molestiæ fugitans, nullum ferebat de Yolandâ dimittendâ sermonem; quam ita deperibat, ut, si licuisset, dies atque noctes eam coram in conspectu habere optâisset. Ergò ex absentis desiderio perpetuò cruciabatur. Margaritam verò oppidò macerabat hic mariti dolor. Sed & stimulabat Yolandæ iuvandæ sollicitudo, donec hæc tandem cura vicit. Maritum ergò adit, &, Tædet me, inquit, miseretque perpetui illius mœroris tui, nec fero in infinitum eum extrahi. Dic per Deum, te obsecro, quoniam mortales sumus, dic, quid, dum vivimus, de filiâ nostrâ Yolandâ tandem aliquando constituas? Ipsa quidem, ut probè,

probè nosti , quidquid contrà nitamur , dedere
se Deo decrevit . Hic Henricus , interrupto Mar-
garitæ sermone , iubet eâ de re conticescere . Mar-
garita nihilominus instare , & liberè ac paulò
acriùs : Carissime coniux , inquit , nostra ambo-
rum res agitur ; ne censeas tuæ unius voluntati
parendum . Ego quidem , Yolandam Sanctimo-
nialem fieri oportere , pronuntio : quoniam id
velle Deum , nunc tandem intelligo . Tu , si ali-
ter sentis , vide , ne Deo rebellis , gravi criminé
iram eius in tuum caput concites . Henricus ora-
tionis sibi molestissimæ pertæsus , Age tu ergò ,
inquit , quod tibi visum . Hoc verbum speciem
quidem habebat consentientis , sed verbo non
respondebat animus . Margarita tamen , ut ex
vero dictum interpretata , continuò Heilevivam ,
puellam Yolandæ à cubiculis , accersit , eique sig-
nificat , exoratum esse Henricum . Iret ergò cele-
riter , & Yolandæ nuntium id lætissimum defer-
ret . Illa è vestigio devolans ad Yolandam : Gau-
de , inquit , Yolanda , gaudie . Iubet gaudere tua
te mater . Eius ego nuntia adsum , victoriāmque
tibi apporto . Cessit voluntati & tuæ & matris
pater tuus . Ad MARIAE Vallem , futura Sancti-
monialis , propediem abducēris . Ibi lacrymis
æque ac votis tuis , Deus terminum dabit . Yo-
landa , tam iucundo nuntio incredibili repente
perfusa lætitiâ , exclamat : Laudo te Christe IESU ,
& tibi mihi que gratulor . Hæc identidem iteran-
ti , ita deinde increvit gaudium , ut omnem mo-

mentò deleverit ex animo præteriorum sensum malorum.

Interim Margarita in curam adornandi filiæ abitum intenta, cognatos atque consanguineos undique evocat. Adessent, ut par erat, ad Yolandæ nuptias. Illi, cum satis inteligerent, quæ essent hæ nuptiæ, advenere quidem, sed gravatè & illibenter, & ut Margaritæ potius obsequerentur voluntati, quam voto suo. Henricus antè omnes eâ re commotus, incredibilem cepit animo dolorem, præsertim quod Yolandam omni studio ad discessum se comparantem cerneret. Contrà efferebatur ipsa gaudio, ut ex ore etiam atque vultu lætitia emicaret. Sed quantò ea alacrior, tantò pater mœrebat acerbius. Inter assidendum mensæ Yolanda fortè assederat patri, præ animi cruciatu cibi ac potus immemori. Ad hæc dolor vehemens & uberes lacrymæ, vocem quoque ei eripuerant. At postquam surrectum à mensa, tum Henricus ultimam adhibiturus machinam, qua filiæ animum, si ullo modo posset, expugnaret, solam cum nobili quadam virginе in cubiculum secretò subducit, toto pomeridiano tempore in querelis atque precibus usque ad serum diei extracto. Depromebat autem quidquid artificij atque lenocinij paternus amor & dolor in tali rerum articulo suggerebant: Esse ipsam amores suos, delicias suas, gaudium suum, vitam suam. Et his bonis momentò spoliare velle miserum patrem: contrà verò, mœrorem & luctum

Etum perpetuum , ipsam adeo mortem reddere ?
nec ullâ miseratione tangi ? Quid hoc esse , nisi
parricidium sine sanguine ? Quod si induceret in
animum remanere , sanctè se appromittere , per-
missurum se , ut vivat ex arbitrio , preces fun-
dat , vigilet quantumvis & pro libitu suo. Contrà
Yolanda , id fieri posse , negare. Valedixisse se
rebus humanis , non ex dimidio , sed in totum.
Eis adesse , easque simul fugere , rem esse abso-
nam & cum seipsâ pugnantem. Sed ut hæc fieri
possent , quantum esse periculum inter eas com-
morari ? In cœno atque sordibus ipsa si habitet
puritas atque integritas , ægrè futuram sine ma-
culâ. Proindè fugere se tam contagiosæ rei vici-
niam , & consulere innocentiae suæ. Sed ista quo-
que si prætereantur , sponderet , se auro placatu-
rum mortem , aut vi prohibitum , ne adveni-
ens , altero duorum , aut filiâ aut patre rapto ,
solvat amoris vinculum. Morrem autem affore
momento , siquidem ipsa vita nihil aliud sit , quam
momentum. Quid tum sibi profuturum , vel
mille annorum cum patre convictum , nisi ut se-
rò cum salutis suæ damno moræ pœnitieat ? Hic
interfatus parens , rogat , saltem annum unum
sibi daret. Tantillum temporis nec moram esse ,
nec salutis dispendium. Contrà Yolanda : Imò ,
nimiam esse moram annum unum cessare à votis ,
quæ in singula momenta debeat. Postremò , nihil
esse , quod se ab animi decreto avocet , non ami-
citiam , non quoslibet corporis cruciatus , non ip-

sam mortem. Henricus intelligens filiæ expugnandæ spem nullam esse reliquam : Perge , ergo, inquit , perge, quo tuus te rapit animus, & quando ita vis , æterno luctu atque lacrymis miferum parentem contumula. Hanc parentis vocem veram fuisse , comprobavit exitus. Quippe quoad vixit , nihil ei lætum , nihil iucundum fuit , gaudia aut oblata respuenti aut fugienti.

C A P V T X X .

Henricus & Margarita Yolandam altari impositam Deo offerunt. Hæc in magno comitatu ad MARIÆ Vallem à matre deducitur , & regiè ornata ad templum sistitur , ubi post dona ad aram oblata , velum & sacram vestem suscipit.

Annus erat M. CC. XLVIII.] advenerantque nonæ Ianuarii , cum Margarita , filiæ Deo offerendæ intenta , ut id marito volente fieret , faciendum censuit. Itaque illum adiens , gravi oratione usa , ita affatur. Dona à Deo , Henrice , maxima plurimaque accepimus. Eius munera sunt non tantum amplæ opes & alta honorum fastigia , subjectique nobis cum arcibus atque oppidis populi , sed & hæc corpora , vitaque nostra. Id meminerimus , ne ingrata oblivio dantis occludat manum. Gratitudinem autem donator,